



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Sequitur diploma Regis Ludouici.

urn:nbn:de:hbz:466:1-13553

rias occasiones Zizania perfidia feminando velut multâ iniuria bacchatur, & ut vestrum aliquis terga vertat sanctæ professioni incessanter molitur. Quapropter sæpè dicti Archiepiscopi videlicet pastoris vestri à Deo destinati institutionibus benignas aures præbere, qui vos & versutiam Sathanæ cauere atque eius æternos cruciatus euadere instruit, ac ipse in die iudicij de bonis operibus vestris seculorum Domino perpetua remunerandos gloria præsentabit. Ad perfectam autem & necessariam eruditionis vestræ salutem, ut comperimus nõ sufficiant pauci, qui modo constituti sunt vobis Episcopi, quia plures sunt adhuc gentilitatis errore ibidem detenti, ad quos propter inopiam præconum diuini verbi nondum peruenit noticia Christi. Idecirco enim, ut accrescat turba fidelium, studeat solertia vestra pro mercede & remissione peccatorum vestrorum adminiculum atque iuuamen præbere Reuerendissimo YROLFO Archiepiscopo, quatenus dudum illic constitutorum Episcoporum numerus impleatur, qui congruè constituti, & vobis posterisque vestris poterunt esse proficui, si ad restorationem Ecclesiarum propter nomen Domini de possessionibus vestris, quas reditus dotesque earum fama diuulgante quodam fuisse noueritis æternam sufficientiam vobis comparantes eisdem Ecclesiis ipsi conferatis, idoneis viris ad hoc ministerium electis, maxime in illis locis, si opportunitas & utilitas commendauerit, ordinentur antistites, vbi indicia Ecclesiarum & ædificiorum Sedes Pontificiales olim fuisse demonstrant, sin autem illius arbitrio & deliberationi qui vel vbi disponantur Episcopi concedimus, cui vicem nostram apud vos Ecclesiastici regiminis per omnia commisimus.

Vrolphum Archiepiscopum non in cassum laborasse Velfer: docet. anno quo supra: Boio. VI.
Hunorum, inquit, interim reliquias Slauiperpetuis excursionibus carpentes, sedes mutare coegerunt. Princeps gentis Theodorus Christianam religionem professus, adito Aquis Carolo agrum Sabariam & Carnuntum inter habitandum impetrat. &c.

Hattonem hunc Synodo Salisburgensi interfuisse, Chronicon Episcoporum Patauiensium penitus silet & Velfer. quoque (VI. Boic. ad annum 807) licet præcedente anno Batauen. sedem Hattonem Episcopum accepisse scribat: de Synodo autem isthæc profert.

Anno DCCCVII. Concilium Salisburgi XVII. Kal. Decembr. indictum. Affuere Arno Archiepiscopus, Atto Frisingen, Adalvvinus Reginoburgen., Henricus Sabionensis Episcopi. De decanis & relique sacrorum iure disceptatum definitumque esse annotatum reperio, ipsis Concilij actis nondum erutis.

Sequitur diploma Regis Ludouici.

IN nomine sanctæ & indiuiduæ Trinitatis. Ludouicus diuinâ fauente gratia, Rex. Si liberalitatis nostræ munere, de beneficiis diuinitus nobis collatis, locis sanctorum quiddam conferimus, id nobis, procul dubio, ad æternæ remunerationis præmia capessenda profuturum liquidò credimus. Proinde nouerit omnium fidelium nostrorum præsentium scilicet & futurorum industria; quia nos, pro mercedis nostræ augmento, concessimus Ecclesiæ Patauien. quæ est constructa in honore sancti Stephani prothomartyris, vbi etiam sanctus Valentinus confessor Christi corpore requiescit, cui præfenti tempore venerabilis vir Reginarus Episcopus præesse videtur, quasdam res proprietatis nostræ quæ sunt in prouincia Auarorum, in loco qui dicitur Kirchbach, id est, Ecclesiam vnã constructam, cum territorio, ad mansos centum faciendum, & plus, quarum terminia sunt, ab ipso loco pergens per vnã

vnam semitam vsque ad locum qui dicitur Tumus, & inde, per circuitum vsq; ad prædictum Kirchbach, & deinde vsq; ad Markam Theotherij, & inde vsque sursum Cynnenberg. Has itaque res, cum prædicta Ecclesia, cum Vineis, terris, cultis & incultis, pratis, syluis, pascuis, aquis, aquarumue decursibus, adiacentijs, peruijs, & exitibus, & regressibus, totum & ad integrum, quemadmodum Rathodus Comes Annonicor Episcopo ipsas res consignauit, ita prædictæ Ecclesiæ pœnitentialiter concessimus, & de nostro Iure in ius & ditionem eius, liberalitatis nostræ munere conferimus, ita videlicet, vt quicquid Rectores & ministri supradictæ sedis de ipsis rebus, iure Ecclesiastico, facere voluerint, libero in omnibus perfruantur arbitrio faciendi, tantum scilicet, vt dum Annonicor Episcopus, atque Anno Nepos eius, aduixerint, ipsas res tenere & vsare faciant, & nullus eis ipsas abstrahere præsumat, & post illorum discessum cum integritate ad eandem Ecclesiam reuertantur. Et vt hæc auctoritas largitionis nostræ per curricula annorum inuiolabilem atq; inconcussam obtineat firmitatem, manu propria subter firmauimus, & annuli nostri impressione signare iussimus. Signum Ludouici gloriosissimi Regis. Adalocus Diaconus ad vicem Grimaldi recognoui. Data XIV. Kal. Maij, Anno Christo. propitio, III. Regni Domini Ludouici Regis in Orientali Francia indiction. XIV. lectum Ostrenhoua, pallacio Regio, in Dei nomine feliciter, Amen.

dd. *Privilegium Arnolphi Cas: Episcopo Engelmaro concessum.*

IN nomine sanctæ & indiuiduæ Trinitatis. Arnolfus diuinâ fauente gratiâ Imperator Augustus. Si de rebus terrenis, quibus diuinâ pietate iure hereditario sublimati atque coronati sumus, aliquam particulam, ad Monasteria à Deo sanctis ac iustis hominibus prædita, largituri sumus, non solum præsentialis, verum etiam æternæ vitæ remedia à Deo omnipotenti, & sanctis eius, inde nobis concessa manifestissime credimus. Quapropter omnium sanctæ Dei Ecclesiæ fidelium nostrorumq; tam præsentium, scilicet quam & futurorū, cognoscat industria, qualiter nos, diuinâ atq; humanâ fidelium nostrorū amonitione, quandam particulam proprietatis nostræ sancto Dei confessori Valentino, atq; B. Stephano, prothomartyri eius (ad quorum laudē & honorem Patauien. Ecclesiæ Episcopatus constructus atq; dedicatus dignoscitur, cuius nūc Engelmarus, dilectus atq; fidelis Episcopus noster, pastor & Rector bonus, ac prouidus esse dignoscitur) illuc perpetualiter in proprium retinendam concessimus, hoc est, in eadem vrbe Patauien. mediam Dominicalem aream nostram, quæ vsque hodie ad opus nostrum ibi pertinebat, cum omni integritate ad iam dictum sanctum locum, iure perenni, in proprium donauimus atque tradidimus, eā videlicet ratione, vt ipsa area, per hanc nostram auctoritatem firmiter in Dei nomine roboratam, sub potestate eiusdem Rectoris atq; pastoris perpetualiter consistat. Et vt hoc certius credatur, manu propria subter eam affirmantes, annulo nostro insigniri iussimus. Signum Domini Arnolphi, inuictissimi Imperatoris Augusti. Wihingus Cancellarius, ad vicem Theodmari recognoui. Datum idus Decembris, Anno Domini DCCCXCIII. Indiction. prima. Anno Regni Domini Regis Arnolphi vndecimo, Imperij autem tertio. Actum in ciuitate Regina, in Dei nomine feliciter Amen.

ec. *Error in dat. Prescribendus est numerus 893. sicut patet ex denominatione Arnolphi proxime præmissa. Cetera diplomata ad Episcopum Winechindum pertinent.*

Diple-